

Inatsisartunut ilaasortat ulloq taanna Inatsisartunut qinerneqarnerminniit (ulloq qinersivik) aatsaat akissarsiaqartalernissaat pillugu Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaani nr. 22-mi, 18. december 2003-meersumi (Aningaasarsiat pillugit Inatsit) § 2 imm. 1-p allanngortinnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Randi Vestergaard Evaldsen, Demokraatit.)

Akissuteqaat

(Naalakkersuisut Siulittaasuat)

Aappassaaneerpeqarnera

Aallarniutigalugu Suleriaaseq pillugu Ataatsimiititaliap isumaliutissiissutaatigut aalajangiiffigisassatut siunnersuutip saqqummiunneqartup sukumiisumik misissuataarneqarsimanagera Naalakkersuisunit qutsatigaarput.

Naalakkersuisut maluginiarpaat, Suleriaaseq pillugu Ataatsimiititaliaq isumaqatigiittup isumaliutissiissutikkut aalajangiiffigisassatut siunnersuummut saqqummiunneqartumut allannguutissatut siunnersuummik saqqummiussaqaarmat.

Unneqqarissuunissaq eqqarsaatigalugu Naalakkersuisut sinnerlugit erseqqissaatigissavara, ataatsimiititaliap isumaliutissiissutaani allannguutissatut siunnersuut Inatsisartunit akuersaarneqassappat, soorunami Naalakkersuisut Inatsisartut aalajangiinerat malinniassavaat aningaasarsiaqartarnermullu inatsimmut allannguutissatut siunnersuummik saqqummiussaqaassallutik kingusinnerpaamik 2016-imi Inatsisartut upernaakkut katersuunneranni.